

大师·文话系列丛书



梁启超◎著

踏入文学殿堂  
探索文学真谛  
聆听大师教诲  
品读人生智慧

# 新大陆游记

新大陆  
游记

吉林出版集团有限责任公司

大师·文话系列丛书



梁启超。著

吉林出版集团有限责任公司



## 图书在版编目(CIP)数据

新大陆游记 / 梁启超著. -- 长春: 吉林出版集团有限责任公司, 2012.4

ISBN 978-7-5463-8798-7

I. ①新… II. ①梁… III. ①游记—作品集—中国—清后期 IV. ①I265.2

中国版本图书馆 CIP 数据核字(2012)第 046176 号

## 新大陆游记

著 者: 梁启超

编 委 会: 张洪丹 赵淑岩 陈 瑶 丛胜龙 王 倩 曹 芳  
韩志武 王 伟 王雅婷 张 峰 潘 玲 田 雨  
刘 冰 刘金荣 关 宁 霍宏辉 张 颖

责任编辑: 韩劲松 于伟群 赵秋惠

封面设计: 李立嗣

开 本: 850mm × 1168mm 1/32

字 数: 115 千字

印 张: 7.5

版 次: 2012 年 6 月第 1 版

印 次: 2012 年 6 月第 1 次印刷

出 版: 吉林出版集团有限责任公司

发 行: 吉林出版集团外语教育有限公司

地 址: 长春市泰来街 1825 号

邮编: 130011

电 话: 总编办: 0431-86012683

发行部: 0431-86012675 0431-86012826(Fax)

网 址: [www.360hours.com](http://www.360hours.com)

印 刷: 长春新华印刷集团有限公司

ISBN 978-7-5463-8798-7 定价: 19.90 元

版权所有 侵权必究 举报电话: 0431-86012683



# 目录

CONTENTS

## 新大陆游记

|              |          |
|--------------|----------|
| 徐序           | .....001 |
| 自序           | .....003 |
| 凡例           | .....005 |
| 由横滨至加拿大      | .....007 |
| 由加拿大至纽约      | .....031 |
| 由纽约至哈佛、波士顿   | .....075 |
| 由纽约至华盛顿      | .....089 |
| 由纽约至费城       | .....117 |
| 由纽约至巴尔的摩、匹兹堡 | .....127 |

# 目录

## CONTENTS

### 新大陆游记

|                |       |
|----------------|-------|
| 由匹兹堡至辛辛那提、新奥尔良 | ……137 |
| 由新奥尔良至圣路易斯     | ……143 |
| 由圣路易斯至芝加哥      | ……145 |
| 由芝加哥至蒙大拿省      | ……155 |
| 由蒙大拿省至西雅图、波特兰  | ……161 |
| 由波特兰至旧金山       | ……171 |
| 由旧金山至洛杉矶       | ……207 |
| 归途             | ……211 |

## 徐序

余游美数年，以余所见，举美国一学校也，举美国一兵队也，举美国一商店也，举美国一工厂也，举美国一家族也，举美国一花园也。以语任父，任父曰：良信。吾因而返观比较于我祖国，觉我同胞匪惟不能自治其国而已，乃实不能自治其乡，自治其家，自治其身。乃至所行者不能谓之路，所居者不能谓之室，所卧者不能谓之榻。此岂耻恶衣恶食，亦以觐文明程度之标准也。吾又觉吾同胞乃至言者不能谓之能言，立者不能谓之能立，步者不能谓之

能步，此宁细故耶？国民之性，凡知一国强弱所由基也。细故如此，大者可知矣。余非崇拜西人者，余倔强之僻性，凡知我者靡不知之。虽然，余以我民族与彼民族比较，余惟有怵息，余惟有流涕；余不忍道，余又不忍不道。任父之在美也，余与之同游者月余。任父将为游记，余尼焉。既乃见其稿，则皆余之所欲言而不能言者也。且彼以十月间所观察所调查，乃多为吾三年间所未能见及，人之度量相越，不亦远耶？以是公诸世，其影响于民族前途者，必非浅鲜，岂徒小道可观云尔。任父索序，乃弁数言。

光绪二十九年十二月，同学三水徐勤

## 自序

余游新大陆，日拉杂有所记，将詮次为一小册。君勉至纽约，尼余曰：“子毋尔。凡游野蛮地为游记易，游文明地为游记难。子以尔许之短日月，游尔许之大国土，每市未尝得终一句淹，所见几何？徒以辽豕为通人余笑耳。”颌其言，欲中止者屡。顾性好弄翰，有所感触，不能不笔之。积数月，碎纸片片盈尺矣。自一覆视，虽管蠡之见，可笑实甚，然容亦有为内地同胞所未及知者。宋人之献其曝，曝宁足贵？惟献焉者之愚诚欲已不自己也。因积两句

导 | 余游新大陆，日拉杂有所记，  
语 | 将詮次为一小册。

之力，詮次丛稿。既成，乞序于君勉而布之，志余悞諫之咎，且以自赎。

癸卯除夕，著者识

## 凡例

一、兹编本游历时随笔所记，但丛稿盈尺，散漫无纪，令读者有恐卧之想。故返日本后，以两旬之力重理之。如今本一段中所记，或非在一时也。

一、中国前此游记，多纪风景之佳奇，或陈宫室之华丽，无关宏旨，徒灾枣梨，本编原稿中亦所不免。今悉删去，无取耗人目力，惟历史上有关系之地特详焉。

一、兹编所记美国政治上、历史上、社会上种种事实，时或加以论断。但观察文明复杂之社会，最难得其要领，

况渺小如余，又以此短日月，历彼广幅员耶？其不足当通人之一喙明矣。但以其所知者贡于祖国，亦国民义务之一端也。于吾幼稚之社会，或亦不无小补。大雅君子，尚希亮之。

一、此次于美国政治，所欲论述尚多。本拟附录一“美国政治评”，但稿太丛乱，重整理之，费日更多，出版更迟，故惟于归途篇略附一二，今后得间，再赓续之。

一、此次所至，承我海外同胞异常之欢待，实不克当。本宜详述，以志感谢。但限于篇幅，详叙或失诸冗漫，使读者生厌。故此类之笔记，悉从删去，诸君谅焉。

甲辰正月，著者识

## 由横滨至加拿大

### (一)

余蓄志游美者既四年，己亥冬，旧金山之中国维新会初成，诸同志以电见招，即从日本首途。前所作《二十世纪太平洋歌》，所谓“逝将适彼世界共和政体之祖国”者是也。道出夏威夷岛（即檀香山），夏人縶维之，约留一月行。既而防疫事起，全市华侨廛宅付一炬，环岛不通行旅者数阅月。于是余自庚子正月至五月，蛰居夏威夷。六月十七日严装往美，忽得上海电，促之归，遂以二十日回马首而西，道

首途

导 十年十处度初度，颇感劳生未有涯。日月苦随公碌碌，人天容  
语 得某栖栖。庄严地岳来何暮，乌狗年华住且佳。一事未成已中岁，  
海云凝望转低迷。

日本返上海。遽闻汉口之变，志不遂，遂折而南，由香港而新加坡而槟榔屿而印度，绕澳大利亚一周。辛丑四月，经菲律宾复至日本，居日本者又几两年。至是始续旧游，实癸卯正月廿三日也。

## 舟 中

廿六日为余三十一初度。余频年奔走海内外，未尝有所终三年淹。其尤奇者，则年年今日，必更其地，十年来无一重复。自癸巳在家乡一度生日，诸母犹噢以饴饧枣栗之类。尔后，甲午此日在黄海舟中，乙未此日在京师，丙申此日在上海，丁酉此日在武昌，戊戌此日在洞庭湖舟中，己亥此日在日本东京，庚子此日在夏威夷岛，辛丑此日在澳洲悉尼市，壬寅此日在日本东海道汽车中，今年癸卯今日在太平洋。嘻！此亦一诗料也。成诗一章：

十年十处度初度，颇感劳生未有涯。  
日月苦随公碌碌，人天容得某栖栖。  
庄严地岳来何暮，乌狗年华住且佳。  
一事未成已中岁，海云凝望转低迷。

## (二)

二月初六凌晨，舟入加拿大属温哥华岛之海口。两岸青山，如送如迎，左英属，右美属，山皆秀丽，灌木如莽。舟行于朝曦融曳之间，颇极快游。

至加拿大

午后一点钟，舟抵维多利亚，维新会同志李君福基等迎于码头者数十人。停舟十五分钟，即启行。温哥华及二埠之同志叶君恩、刘君章轩、李君佑枢等，亦至维多利亚相迎。夕间抵温哥华，同人迎于码头者复百余。

英属加拿大凡分七省，其沿太平洋海岸者为不列颠哥伦比亚省。计加拿大全属华人约二万，而哥伦比亚省居十之六七焉。哥伦比亚省之首府曰维多利亚，其附近大都会曰温哥华，华人俗称咸水埠，曰新威斯敏斯特，华人俗称二埠。一切华商、华工皆麇集于此。计全加拿大华人人数大略如下：

全加拿大  
人数

维多利亚  
温哥华

五千余  
四千余

导 | 十年十处度初度，颇感劳生未有涯。日月苦随公碌碌，人天容  
语 | 得某栖栖。庄严地岳来何暮，刍狗年华住且佳。一事未成已中岁，  
海云凝望转低迷。

|         |      |
|---------|------|
| 新威斯敏斯特  | 一千   |
| 铀城      | 一千   |
| 奶么      | 五百   |
| 卡尔加里    | 一千   |
| 科克伦     | 一千   |
| 蒙特利尔    | 二千余  |
| 渥太华     | 二百余  |
| 其余散在各市者 | 约三千余 |

十余年前 C.P.R.公司筑大铁路之时，华人来者最众。计全盛时代，殆不下七八万人。铁路成后，需工渐少，今仅有此数。

### (三)

#### 温哥华之繁盛

温哥华市距今十五年前，一林莽耳。自太平洋铁路公司（西名为 Canadian Pacific Railway Co.，省名为 C.P.R.公司）开大铁路横截大陆以通纽约，凿欧洲交通东方之孔道。

又开“中国皇后”、“日本皇后”、“印度皇后”三船，来往于日本及中国；其铁路之车站，轮船之码头，皆以温哥华为终点，故温哥华骤盛。哥伦比亚省本以维多利亚为首府，今则势力全趋于温哥华矣，地价骤涨至百数十倍。吾华人十五年前来此者，既实繁有徒，从无一人肯买地以牟大利者；虽或西友劝之，亦莫或应。此亦学识不足，不能与西人竞争之明证也。

华人之在加拿大者，生计殊窘蹙，远不逮在美国。其工人之不得职业者十而五六，困苦不可言状。商人恃工人为生，工业衰故商业亦衰。盖商于此间者，皆非有大资本营大事业，不过专办本国日用饮食之物，售诸工人以取利耳。故工人来者少，则商店自少，工人困苦，则商利益微。吾所至夏威夷、澳洲各地，皆同一现象，而加拿大为尤甚。

### 华人之 生计

哥伦比亚省之工人，以做沙文鱼为最多。计每年鱼来时，业此者每月可得美金三十元至六七十元不等，然每年惟四月至七月为鱼来时节耳。自余数月，凡业鱼者皆无所不得业，束手坐食，故岁入恒不足以自贍也。日本人在此者，亦以鱼为业。然日人则采渔也，华人则制鱼也。采鱼，每

导 | 十年十处度初度，颇感劳生未有涯。日月苦随公碌碌，人天容  
语 | 得某栖栖。庄严地岳来何暮，乌狗年华住且佳。一事未成已中岁，  
海云凝望转低迷。

日每人工价，优于制鱼者数倍。然此地西人，限华人非已入英籍者不得采渔。故虽以此区区之利权，亦不得与他族竞。

制鱼业之外，惟有厨工、洗衣工为大宗。厨工最上者每月可得美金七八十元，最下者十余元耳。洗衣工工价甚微，大约每月美金十余元。蒙特利尔洗衣工最多，以其地为加拿大之最大都会也。其余尚有采矿工伐木工等，然不多。

## 商 业

合观哥伦比亚省之商业（专指华商）：维多利亚埠凡商店百四十余家，温哥华五十余家，新威斯敏斯特二三十家，其数不可谓不盛。然与西人贸易者，不过一二家耳，其余皆恃华工以为养者也。中国杂货店，居十之七八。而维多利亚埠，则以制贩鸦片为一大宗。盖鸦片入口税轻，易于牟利也，但所牟者亦皆华人之利而已。大半销入美国，近则美国查税极严，故所销岁减。其余则洋服裁缝店有十余家，稍争西人利益于一二而已。

商于此者，以赌博为一专门业，几于无家不赌。以区区之温哥华埠，而番摊馆有二十余家，白鸽票厂有十六七家，他埠亦称是。吾常稽其每月消费之数。每一番摊馆受工者约五六十人，每人每礼拜薪工美金六元内外，每馆地一